

Мана тосхлтин диилвр

СССР-н Деед Советин сунъ-гъвр уктдж, Элст балгъсна 2-ч номертӓ тосхлтин управленӓ кӓдлмшчнр, хоорндан делгӓ социалистическ дӓрдӓ кедж, шундж кӓдлдж, март сарин 16-н кӓртл, нӓӓмӓд пӓтртӓ 4 гер болн дӓрвӓд пӓтртӓ 3 гер босгъх лаалгъвр авцхала.

Мана цуг кӓдлӓчнр бӓӓсн чидлӓн гаргъдж, ӓзмджтӓ кевӓр авсн лаалгъвран кӓцӓцхӓв. Эдн 700 мингън арслнӓга тосхлтин кӓдлмш кецхӓв, эс дж 140 процент кӓцӓв.

Эн гермӓд тосхлтин кӓдлмшт кергтӓ материалмуд ик тату болсн бийнъ, келсн ӓгӓн бӓрдж, сунъгъврин ӓдр кӓртл нӓӓмӓд пӓтртӓ 5 гер, дӓрвӓд пӓтртӓ 3 гер босхдж, тӓунӓс ӓнгъдан дӓрвӓд пӓтртӓ 3 гериг ӓклдж, улинь девсдж, эрсинъ тӓвджӓнӓвдн.

Тосхлтин мастер ӓр А. В. Лиманскин гардврт кӓдлджӓх модна урч Бадмаев Ильян бригадт 15 модна урч болн модар урлдг дасджах 10 багъчуд ниитӓгъӓр кӓдлджӓнӓ. Тедн дунд нег улӓ сӓн, тасрхан уга кӓдлмшиннъ диг-дара

цагтнъ кӓцӓдг модна урчнр Мушараев Б. У., Кекеев В. Б., Комашев Б. Б. Эднӓ бригадин тоод бӓӓх герин беш кедг ӓр Тодаев Бадм чигн сӓн кӓдлджӓнӓ. Ода Бадмаев Ильян бригад, Элст балгъсна Ленинӓ проспект уульнцар 8 пӓтртӓ гер тосхдж, зурагъан 208 процент кӓцӓв.

Мана 2-ч номертӓ тосхлтин управленӓ слесарьмӓд кӓдлмштӓн ик диилврмуд бӓрцхӓв. Ах слесарь ӓр А. М. Урубджуровин гардврт бӓӓх цуг слесарьмӓд СССР-н Деед Советин сунъгъвриг ӓлгӓрлм сӓн кӓдлмшӓр тосхмн гидж, терзсин рамс болн ӓуд кедж белдлгъӓр зурагъан 160 процент кӓцӓх болсн лаалгъвран 190 процент кӓцӓв.

Эдн дунд, кӓдлмштӓн сӓн чинр бӓрсн, ик шунлт ӓзӓулсн слесарьмуд Лиджиев Г. Н.—205 процент, Курӓлдеев Э. О.—210 процент, Ногъадинов В. П.—200 процент кӓрдж зурагъан кӓцӓв.

С. СЕРГЕЕВ,
тосхлтин 2-ч управленӓ
начальник.